



陸宣公奏議

三

113
741
8



門 4 13
號 741
卷 3

陸宣公奏議卷第五

奏草五

興元論解姜公輔狀

右欽湊奉宣聖旨。緣唐安公主喪亡。不可向此閒遷厝。權令造一塔安置。待收復京城。卽擬將歸。以禮葬送。所造塔役功費用。亦甚微小。都不合是宰相所論之事。姜公輔忽有表奏。都無道理。但欲指朕過失。擬自取名。朕本拔擢。將爲腹心。今卻如此。豈不負朕至深。卿宜商量如何穩便者。公輔頃在翰林。與臣久同

職任。臣今據理辨直。則涉於私黨之嫌。希旨順承。則違於匡輔之義。涉嫌止貽於身患。違義實玷於君恩。徇身忘君。臣之恥也。別嫌獎義。主之明也。臣今不敢冒行所恥。亦賴陛下明聖而鑒焉。古語有之。順旨者愛所由來。逆意者惡所從至。故人臣皆爭順旨而避逆意。非忘家爲國。捐身成君者。誰能犯顏色。觸忌諱。建一言。開一說哉。是以哲后興王。知其若此。求諫如不及。納善如轉圜。諒直者嘉之。訐犯者義之。愚淺者恕之。狂誕者容之。仍慮驕汰之易滋。而忠實之不聞。

也。於是置敢諫之鼓。植告善之旌。懸戒慎之鞞。立司過之士。猶懼其未也。又設官制。以言爲常。由是有史爲書。瞽爲詩。工誦箴諫。大夫規誨。士傳言。庶人謗。尙恐其怠也。每歲孟春。適人以木鐸。徇於路。而振警之。官師相規。工執藝事。以諫其或不恭。邦有常刑。然非明智。不能招直言。非聖德。不能求過行。招直則其智彌大。求過則其德彌光。唯衰亂之朝。闇惑之主。則必諱其過行。忿其直言。以阿諛爲納忠。以諫爭爲揚惡。怨讟溢於下國。而耳不欲聞。腥德達於上天。而心不

求寤。迨乎顛覆。猶未知非。情之昏迷。乃至於是。故明者廣納以成德。闇者獨用而敗身。成敗之途。千古相襲。與敗同轍者罔不覆。與成同軌者罔不昌。以陛下日月之明。江海之量。自當矯夏癸殷辛拒諫飾非之慝。協大禹成湯拜言改過之誠。矧又時運方屯。物情猶鬱。乃是陛下握髮吐哺之日。宵衣旰食之辰。士無賢愚。咸宜錄用。言無大小。皆務招延。固不可復有忤逆之嫌。甘辛之忌也。夫君人者。以衆智爲智。以衆心爲心。恒恐一夫不盡其情。一事不得其理。孜孜訪納。

唯善是求。豈但從諫不拂而已哉。乃至求謗言。聽輿誦。葑菲不以下體。而不採。故英華靡遺。芻蕘不以賤品而不詢。故幽隱必達。今公輔官在諫議。任居宰衡。獻替彌綸。乃其職分。比於芻蕘葑菲。豈不優而且重哉。此理之常。奚足怪也。縱使引喻非當。不猶愈於輿誦乎。矯激過深。不猶愈於謗言乎。晉文聽輿人之誦。而霸業興。左僖二十八年云云虞舜設誹謗之木。而帝德廣斯。實聖賢之高躅。陛下何疾焉。聖旨又以造塔役費微小。非宰臣所論之事。下臣愚戇。竊謂不然。當問理之。

是非豈論事之大小若造塔為是役雖大而作之何傷若造塔為非費雖小而言者何罪夫見微小之事亦微者著之萌故君子慎初聖人存戒知幾者所貴乎不遠而復制理者必在於未亂之前本立輔臣置之左右朝夕納誨意在防微而弼之乃其職也涓涓不遏終變桑田皎皎靡除卒燎原野流煽已甚禍災已成雖欲救之固無及矣書曰不矜細行終累大德易曰小人以小善為无益而不為也以小惡為无傷而不去也故惡積而不可掩罪大而不可解然則小

之不可不慎也如此陛下安得使之勿論乎虞書載咎繇之三日兢兢業業一日二日萬幾兢兢慎也業以破微字業危也幾者動之微也唐虞之際主聖臣賢庶績咸熙萬邦已協而猶上下相戒既慎且危慮事之微日至萬數然則微之不可不重也如此陛下又安可忽而勿念乎舜之為君始作漆器羣臣固爭唐太宗問漆器諫者十餘人咸謂非宜漆器之為用也甚堅其為費也蓋寡然猶相繼諷諫者豈不欲杜其漸而慎其初歟是知君臣之間義同一體事罔大小相

須而成。故舜命其臣曰。作朕股肱耳目。夫股肱之奉元首。不以煩細而闕於運行。耳目之助心靈。不以么微而廢於視聽。是以臣子之於君父也。盡其敬而敬焉。盡其愛而愛焉。敬則願及於尊榮。愛則懼陷於過惡。萬邦黎獻。莫不皆然而況。位列朝廷。任當輔弼。主辱與辱。王安與安。此而不言。誰復言者。禮曰。近而不諫。則尸利也。語見表記若宰相者。可謂近矣。事或乖誤。得無諫乎。武丁。賢君也。傅說。賢相也。而武丁引金作礪。以命其相。說論木從繩。以戒其君。是則輔弼之任。匡

救。攸屬巨細之事。悉宜盡規。陛下所言。役費微小。非

起下文

繳上文

宰相所論之事。又謂指朕過失。擬自取名。此誠異乎

愚臣之所聞。是以願披肺腸。而不敢自默者也。若以

諫爭為指過。則剖心之主。比于強諫。紂不宜見罪於

哲王。若以諫爭為取名。則匪躬之臣。易蹇卦。王臣蹇蹇。匪躬之故。

不應垂訓於聖典。獻替列職。竟使奚為。左右有人。復

將焉用臣。竊謂指過以示直。固不如改過以見稱。進

諫以取名。固不如納諫之為美。假有意將指過。諫以

取名。但能聞善而遷。見諫不逆。則所指者。適足以彰

名。而。上。之。各。反。美。
 陛下莫大之善所取者適足以資陛下無疆之休因
惡。其。指。過。是。益。我。過。也。惡。其。
 而利焉所獲多矣儻或怒其指過而不改則陛下招
取。名。是。彰。其。名。也。
 惡直之譏黜其取名而不容則陛下被違諫之謗是
 乃掩已過而過彌著損彼名而名益彰果而行之所
 失大矣一獲一失可不慎乎伏願嘉忤旨之忠祛逆
 耳之吝平積憤之氣弭逆詐之情然後試以愚言反
 覆參校庶臻至理且亮微誠謹奏

蔡九霞曰此奏雖為公輔論解然說到公輔身上
 者甚畧只論臣下犯顏觸忌之難與君上求言

納諫之切以引君當道最得入告之體至謂事
 之微小不可忽即宮中府中事無大小悉以諮
 之之意若嫌其賣直沽名一念人君最易犯之
 病故極力剖析雖剛愎之主讀之自然聳聽易
 慮

Blank columns for text on the right page.

又答論姜公輔狀

德宗答贊前奏云公輔才行與宰相不相當
久欲停罷後因公輔辭退又曾面許公輔知
必移改所以固論造塔事賣直取名據此用
心豈是良善卿今疑朕不能納諫殊乖本意
贊因復上此
奏帝終不聽

右欽漉奉宣聖旨省卿所奏公輔事宜雖甚知卿盡忠然似未會朕意朕意以公輔才行與宰相都不相當在奉天時早欲停罷後因公輔辭退朕已對面許訖尋屬懷光背叛遂且因循容到山南公輔知朕必擬移改所以固論造塔事賣直取名據此用心豈是

良善。朕所以惆悵者。祇緣如此。卿今疑朕不能納諫。殊乖本意者。臣以慙執。務在樸忠。推理而言。有懷必盡。睿意元妙。非凡所窺。如臣懵昧之材。且無希伺之志。奏報失旨。宜其固然。所冀錄微款而矜至愚。實天下幸甚。古人有言曰。明主者可以理奪。又曰。主聖則臣直。今陛下稟天縱之才。備明聖之資。臣若抱理莫伸。守直不固。上虧至化。罪莫大焉。輒復據直道而理其前言。惟陛下留意幸察。臣竊以領覽萬幾。必先虛虛則能受其心。鑑鏡羣情。必先誠其意。蓋以心不虛。則物或見誠則能聽此求言任人之至理

阻意不誠。則人皆可疑。阻於物者。物亦阻焉。疑於人者。人亦疑焉。萬物阻之。兆人疑之。將欲感人心。致於和平。盡物理。使無紕繆。是猶却行而求及前人也。劉言之無乃愈疎乎。孔子曰。不遷怒。不億不信。豈非懼於肆情逞憾。以至於失中違道者哉。臣之區區志欲匡輔。是以前者奏疏。願陛下平積憤之氣。弭逆詐之情。然後試以愚言。反覆參校。庶臻至理。且亮微誠。今陛下以素欲廢罷公輔之心。而謂其所行皆非良善。則是遷怒而積憤之氣未平也。陛下揣公輔知必移改。

腹著疾斷以稠表者。氏象口七。即今疑疾不能內東。

之意而謂其所言皆欲取名。則是億不信而逆詐之。

情未弭也。逆詐未弭。積憤未平。固宜公輔獲戾於蓄。

疑。下臣見尤於乖意。謂之至當。則或不然。夫臣之獻。

言以助理也。君之求諫以弼違也。言苟助理。何必以。

人而廢言。諫苟弼違。何必責意而拒諫。若彼言無足。

用。意雖善而奚為諫。有可從人。雖咎而寧舍。古先聖。

王所以採葑菲。詢芻蕘。傳謗言。用仇怨。急於聽納。乃。

至於斯。其意無他。惟義所在。願陛下不以憎嫌而遺。

其片善。不務精察。而謂之大明。忠言者。利於行而拂。

於情。家語六本篇云唯計慮至熟。乃能無忤。幸紆宸鑒。更審

所宜。謹奏。

蔡九霞曰。平積憤弭逆詐。前奏已露其旨。但前奏

止論事雖微小。公輔亦所當言。并剖晰指過。取

名之說。未暇摘發。德宗病根。而德宗所諭。適犯

此病。故又摘發一番。無如病根已深。終難轉圜。

何哉。

興元論請優獎曲環所領將士狀

右曲環所領一軍。悉是朱泚部曲。或頃在鳳翔所管。或本從河朔同來。後因汴宋用兵。權抽赴彼應援。所以行營將士。猶舉幽隴爲名。今之元兇。乃其舊帥。岐下則楚琳助亂。薊門則朱滔黨奸。獨此偏師。漂然河上。其營幕則寄于他土。其家屬則陷于匪人。又屬汴路。奸虞浚城。陷覆糧餉。屢絕資裝。久殫士卒。常情固難安。處是宜潰歸舊管。否則散適樂郊。而曲環撫之。悉無離叛。孤軍自守。亦不苟從。處危能安。聞難輒赴。

甚推齊肅累著功勳。近日將帥之中罕有如環之比。考其才節絕有過人。但緣羈寓多時窮匱轉甚。繼陳章奏言及酸辛。告急朝廷。則力未能救。求哀郡府。則人莫見憂。覽其辭情。可爲流涕。若失于應接。則終以危亡。良將義徒。實在深惜。願陛下不以常人遇之。不以常事遣之。方今勢可相資。唯有江左完實。恐須密勅韓滉。切令贍恤此軍。器甲衣糧。咸使周足。因賜劉洽手詔。亦委加意保持。若得自存。必有成績。非艱難無以表特操。非英聖不能全異才。有功見知。人必悅。

勸。臣不勝區區爲國獎善拯危之意。謹啟事以聞。謹奏。

鍾之衣曰獎勸將士所以鼓動其心俾知捷於立効也。况才在異等實居艱危尤所宜留恤者乎。義則君臣恩猶父子御將之道將在是矣。

興元論解蕭復狀

右欽。澌。齋。蕭。復。表示。臣。兼。奉。宣。聖。旨。朕。比。緣。李。懷。光。兇。狂。權。且。就。此。迴。避。山。南。旣。與。京。畿。接。近。指。麾。兵。馬。日。望。收。城。今。蕭。復。勸。朕。令。幸。江。陵。表。狀。之。中。張。皇。頗。甚。朕。不。會。其。意。昨。問。從。一。從。一。亦。甚。驚。怪。不。知。事。由。蕭。復。奏。事。官。李。充。朕。適。喚。對。共。語。亦。似。不。是。純。良。此。人。莫。是。李。承。昭。家。子。弟。否。卿。宜。審。看。蕭。復。表。中。意。趣。斟。酌。奏。來。者。臣。伏。覩。其。表。兼。揣。其。情。蓋。以。遠。路。傳。聞。事。多。失。實。大。臣。獻。納。務。且。竭。誠。雖。有。過。當。之。虞。失。中。

之策。但宜勿用。不足爲尤。何則。駐蹕奉天。屯難已甚。况又不駐。艱危可知。蕭復備位樞衡。奉使宣撫。忽聞變故。寧免驚憂。梁岷之間。窮隘特甚。輦輓攸止。資奉實難。凡在戀主之誠。各懷後后之志。是以延賞奉迎于西蜀。韓滉望幸于東吳。此乃臣子之常情。古今之通理。蕭復所請亦類于斯。事雖非宜。意則可恕。李充頃任御史。臣嘗與之同寮。其人是故福建觀察使。李椅之男。共承昭房。從已遠。才頗通敏。性亦溫恭。宗族之中。足稱佳品。伏願更廣詢訪。方驗臣言不誣。謹奏。

品一本作器

孫鑛曰。宣公此疏。旣爲德宗釋其惑。又爲蕭復釋其愆。情事兩伸。忠懇流溢。

又答論蕭復狀

右欽。激奉宜聖旨。卿所奏蕭復事。朕已具悉。假使更無別意。終是不識事宜。更令巡行諸道。轉恐事多乖失。緣孟皞年老。今欲除蕭復爲福建觀察使。便令赴任。去就亦應得所。卿意以爲何如者。伏以將相之任。所委皆崇。中外迭居。亦是常理。然君臣有禮。進退不可以不全。理體有宜。本末不可以不稱。頃盜興都邑。駕適郊畿。陛下悔征賦之殷繁。念黎元之困悴。誕降慈旨。深示憫傷。特遣大臣。普詢疾苦。本期還報。將議

優蠲。衆情顛顛。日望上達。今若未終前命。遽授遠藩。則是膏澤將布而復收。渙汗已發而中廢。事既失望。人何以觀。斯乃進退之禮不全。本末之宜不稱。謂爲得所。臣實疑之。儻慮處事乖方。不欲淹留在外。則當諭以詔旨。促其歸程。遠郡巡歷未周。但令副介分往。待其復命。親訪物情。革弊垂恩。用符德號。使務旣畢。能否益彰。徐擇所宜。以圖進退。庶于事體允得厥中。謹奏。

沈九如曰。量力受任。臨事制宜。俾知竭節盡忠。奮

不避難。斯待人臣之體也。若進以猜嫌。不能斷
決。豈社稷之福哉。

夫豈知對文而為
不登漢洪舟人引文據由昔我以辭辭不登漢

興元論續從賊中赴行在官等狀

德宗疑從賊中來行在官恐有奸計費謂今盜據宮闕來赴行在者當量加恩賞豈可復猜忌拘囚乃上此奏

右欽澈奉宣聖旨。近日往往有卑官從山北來。皆稱自京城偷路奔赴行在。大都此輩多非良善。有一邢建論說賊中體勢。語最張皇。察其事情。頗是窺覘。今且令留在一處安置。如此之類。更有數人。若不根尋。恐有姦計。卿宜商量如何穩便者。臣伏以任總百揆者。與一職之守。不同。富有萬國者。與百揆之體。復異。

蓋尊領其要。卑主其詳。尊尚恢宏。卑務近細。是以練
疏。明。一。職。之。守。
 覈小事。糾察微奸。此有司之守也。維御萬樞。選建庶
疏。明。總。揆。之。任。
 長。總綱而衆目咸舉。明邇而羣方自通。此大臣之任
疏。明。撫。有。萬。國。之。度。
 也。愚智兼納。洪纖靡遺。蓋之如天。容之如地。垂旒纒
 纒。而黜其聰察。匿瑕藏疾。而務於包含。左傳。川澤納汗。山藪藏疾。
瑾瑜。不示威。而人畏之。如雷霆。不用明。而人仰之。如
將。尊。卑。之。職。不。可。相。侵。奪。
 日月。此天子之德也。以卑而僭用尊道。則職廢于下。
總。論。一。番。
 以尊而降代卑。職則德喪於上。職廢則事不舉。德喪
 則人不歸。事不舉者。弊雖切。而患輕。人不歸者。釁似
因。極。

一本亡下有聖王二字

微而禍重。茲道得失所關。興亡知宇宙之大。不可以
其。言。已。下。正。言。王。者。宰。治。之。大。道。
 耳目周。故清其無為之心。而觀物之自為也。知億兆
 之多。不可以智力勝。故壹其至誠之意。而感人之不
 誠也。異於是者。乃以一人之聽覽。而欲窮宇宙之變。
有。所。不。能。及。乃。知。好。察。之。主。徒。勞。無。益。也。
 態以一人之防慮。而欲勝億兆之奸欺。役智彌精。失
 道彌遠。故宣尼述陶唐之盛。曰唯天為大。唯堯則之。
尤。為。至。誠。之。証。
 周詩美文王之德。曰不識不知。順帝之則。是皆覆育
 萬物。渾然大同。無好無惡。不忌不克。之謂也。項籍納
 秦降卒二十萬。慮其懷詐。復叛一舉而盡坑之。項羽傳云。

其於防虞亦已甚矣漢高豁達大度天下之士至者

納用不疑其於備慮可謂疏矣然而項氏以滅劉氏

以昌蓄疑之與推誠其效固不同也秦皇嚴衛雄猜

而荆軻奮其陰計軻欲為燕太子丹刺秦皇取燕地

而荆軻奮其陰計圖秦之圖窮而七首見因把秦王

王絕袖而走秦光武寬容博厚而馬援輸其欵誠隗囂

奉書雒陽援曰天下反謂名字者不可勝數今豈

見陛下恢廓大度同符高祖乃知帝王自有真也

不以虛懷待人人亦思附任數御物物終不親情思

附則感而悅之雖寇讐化為心營有矣意不親則懼

而阻之雖骨肉結為仇慝有矣臣故曰茲道得失所

關興亡伏惟陛下睿哲文思光被四表孝友勤儉行

高百王然猶化未大同俗未至理者良以智出庶物

有輕待人臣之心思周萬機有獨馭區寓之意謀吞

眾畧有過慎之防明照羣情有先事之察嚴束百辟

有任刑致理之規威制四方有以力勝殘之志由輕

才能者怨於不任忠蓋者憂於見疑著勲業者懼於

不容懷反側者迫於攻討馴致離叛構成禍災兵連

於外變起於丙歲律未半乘輿再遷國家艱屯古未

嘗有以陛下至聖之德而遇茲殷憂之期天其或者

欲大啟睿心。傲小失而崇丕業耳。臣謂陛下當奉若天意。追咎已然。凡所致寇之由。悉已詳知其故。將革前弊。以消羣疑。方。入。本。事。來。得。委。辦。今承德音。尚襲流悞。若未悔禍。何由弭災。臣獲蒙過知。又辱下問。若務順旨。是為欺天。用敢指陳。庶裨闕漏。往歲初奮師旅。四征不庭。義烈之徒。人思自効。捨逆歸欵者。繼獻於闕下。陳謀諫失者。此。時。為。人。心。可。用。之。時。爭詣於禁門。陛下能於此時乘軍氣之方雄。因人心之願。盡輟沐吐哺。虛襟坦懷。海內風行。不凝不滯。功者報之。義者旌之。直者獎之。才者任之。其或有志而

本安下有

無補於時。敢言而不當其理。亦必恕其妄作。錄其善心。率皆優容。以禮進退。如此。則海內風靡。翕然歸心。賢愚咸懷。小大畢力。葺爾兇醜。曾何足平。臣固知久已理安。無奉天之幸矣。其所以孕禍胎而索義氣者。一。失。而。禍。見。在乎獨斷宸慮。專任睿明。降附者意其窺覷。輸誠者。不。但。不。結。其。可。謂其遊說。論官軍撓敗者。猜其挾奸。毀沮陳兇黨強。用。之。人。心。而。反。疑。沮。其。心。使。之。不。為。我。用。是。大。失。狡者疑其為賊。張皇獻計者。防其漏言。進諫者。憚其宜謗。凡此之類。悉貽聖憂。咸使拘留。謂之安置。或詰責而寘於客省。或勞慰而延於紫庭。雖呵獎頗異。其

辭然於困閑一也。既杜出入，勢同狴牢，解釋無期，死生莫測，守護且峻，家私不通，一遭繫維，動歷年歲，想其痛憤，何可勝言。由是歸化漸稀，而上封殆絕矣。狗義之心，既阻，務從之黨，彌堅，而貴近之臣，往來之使，希望風旨，詭辭取容，唯揣樂聞，不憂失實。咸言聖謀深遠，策畧如神，小寇孤危，滅亡無日。陛下急於誅惡，皆謂其事信然，窮兵竭財，坐待平一，人心轉潰，寇亂愈滋，遂致轂下生戎，宮闈不守，倘陛下能於此際遠○身○應○悔○過○之○際敷大號，謝過萬方，敘忠良，見忌之寃，而舉其尤纓亮

者，加之厚秩，糾阿諛不實之罪，而數其極奸妄者，處之大刑，賞罰既明，忠邪畢辨，以此臨下，誰敢不誠。以此懷人，何有不服。過而能改，亂亦遄安。臣固知尋復○失○而○禍○再○見京師必無梁岷之遊矣。陛下既闕慎于始，又失圖於中，收之西隅，唯在茲日。○馮異傳云可謂失之東隅收之桑榆豈可復使一事紕繆，一言過差哉。今賊泚未平，懷光繼叛，都邑城闕，狹狁迭居。○山海經曰南海之外有狹狁狀如獬李懷光又關輔郊畿，豺狼雜處。○時回紇馳騫于河北屯兵咸陽朝廷僻介於遠郡，道路緣厯於連山，杖策從君，其能

有幾推心降接猶恐未多稍不禮焉固不來矣若又
 就加猜劾且復囚拘使反者得辭來者懷懼則天下
 有心之士安敢復言忠義哉卵胎不傷麟鳳方至魚
 驚咸若龜龍乃遊蓋悅近者來遠之資懷小者致大
 之術也竊料邢建等輩必非助逆之徒假如過有張
 皇跡涉疑似亦望矜愚惜體屈法裕人並量器能隨
 事甄貸武者措之於戎伍文者付之於宰司大則授
 以職員次但優其選序必有須離行在難處親軍則
 或除諸道一官或委諸使錄用就其常分各稍加恩

古人有言撫我則后虐我則讐惠澤所及謳歌乃歸

流聞四方孰不欣戴昔趙殺鳴犢聖人輟行孔子既

于衛將西見趙簡子至于河間竇鳴犢舜華燕尊郭

隗賢士繼往燕昭王卑身厚幣以招賢者郭隗曰王

築宮而師事之樂毅自魏往况乎天子所作天下式

瞻一言阻物則天下莫不自疑君上舉動只一事

不同悅固不可以小失為無損而不悔亦不可以小

善為無益而不行小猶慎之矧又非小願陛下惟事

無大小皆以覆車之轍為戒實宗社無疆之休謹奏

蔡九霞曰天子蒙塵諸臣奔赴行在亦屬念不忘君而乃疑其窺伺是驅之從賊也故擴其含宏之量杜其猜疑之端以施收拾人心之術至援古証今于使過用仇招賢納才之道條畫如列眉指掌蓋變故之後羣情驚疑離散撫我虐我關係向背不淺使亡國復存危勢復安皆公比奏轉旋之力也夫

陸宣公奏議卷第五

陸宣公奏議卷第六

奏草六

興元賀吐番尚結贊抽軍迴歸狀

德宗欲倚尚結贊以復京城聞其去甚憂之以問贊贊乃上此奏

右欽澈奉宣聖旨。適得渾瑊奏。比日尚結贊頻使人計會。擬自領兵馬。尅期同收京城。緣春來蕃軍多有疾疫。近得探報。尚結贊等。並抽兵退歸。不知遠近。朕意緣吐蕃土馬強盛。又以和好之義。自請將兵助國討賊。朝夕望其成功。今忽抽軍退歸。甚失準擬。渾瑊

李晟等諸軍兵馬並不至絕多。若無蕃軍應援。深慮被賊衝突。卿試料量事勢如何者。臣質性孱昧。不習兵機。但以人情揆之。時亦偶有所得。自承此旨。欣賀實深。竊謂番戎退歸。乃是社稷遐福。昨日已附欽漵口奏訖。伏恐未盡愚款。尚勞聖憂。謹附披陳。庶解疑結。彼吐番者。犬羊同類。狐鼠爲心。貪而多防。殺而無恥。威之不格。撫之不懷。雖或時有盛衰。大抵常爲邊患。陰詐難御。特甚諸夷。陛下且舉建中以來近事準之。則戎心難知。固可明矣。頃者方靖中夏。未遑外虞。

因其乞盟。遂許結好。加恩降禮。有欲無違。而乃邀求寢多。翻復靡定。託因細事。噴有煩言。首尾凡歷四年。要約竟未堅決。立碑纔畢。復請改移。猜矯多端。於斯可駭。逮至盜驚都邑。駕幸郊畿。結贊總戎在邊。因請將兵赴難。陛下推誠允納。厚賂招徠。逗遛持疑。竟不時進。無濟討除之用。但攜將帥之心。懷光遽至猖狂。頗亦由茲促禍。及皇輿再駕。移蹕漢中。陛下猶望番兵以寧內難。親倚之情彌厚。屈就之事頗多。豺狼野心。曾不知感。翻受朱泚信使。意在觀變推移。頻與諸

隆慶奏議卷六
軍尅期至時皆不赴會。致令羣帥進退憂虞。欲捨之獨前。則慮其懷怨乘躡。欲待之合勢。則苦其失信稽延。旣姦且驕。曷望成績。非唯變態難測。且又妨擾實深。戎若未歸。寇終不滅。臣請復爲陛下根本其說。則人情物理昭然。皆可得而察焉。向者謀誘番兵。本是使臣失策。陛下急於戡亂。嘉彼効誠。唯恐後時。不暇詳議。遽降優詔。促令進軍。遠近聞之。莫不危駭。將帥意陛下不見信任。且患番戎之奪其功。士卒恐陛下不恤舊勞。而畏番戎之專其利。賊黨懼番戎之勝。不

死。則悉遺之擒。百姓畏番戎之來。有財必盡。爲所掠。是以順於王化者。其心不得不怠。陷於寇境者。其勢不得不堅。怠我之師。堅寇之衆。戎心變詐。復未可量。以此益兵。但招其損耳。以此靖國。適資其亂耳。抑昨番戎未退。臣又竊有過憂。流聞結贊好謀。恐其潛蓄姦計。倘或幸朝廷播越之際。乘賊泚窮蹙之時。輕犯近郊。若升虛邑。耀兵牧馬。不却不前。外奉國家。內通兇逆。兩持誘脅之勢。俱納贈遺之資。旁觀戰爭。坐乘衰弊。如此則王師不得伐叛。烝黎不得寧居。賊必耗

亡。我亦困竭。京甸所有。勢無孑遺。千里邱墟。得將安用。是乃戎有萬全之利。我有不測之危。臣所以痛心傷神。晝驚夕惕者。慮其意及於此也。所賴天奪其魄。神降之災。覩機若暝。遘厲自遁。實昊穹悔禍之應。列聖垂祐之期。廓清妖氛。慶必非遠。何以知其然也。自賊泚之亂。始於暴兵。因徵役之繁興。乘衛禁之闕備。誘扇羣慝。遂謀大姦。逆天僭君。躬肆攻逼。凡有血氣。皆知惋嗟。矧伊忠良。孰不痛憤。獨惡無與。何能久存。加以聖德日新。改過不吝。布革弊之詔。宏恤隱之懷。

天下黎元。翕然遷善。易心改觀。厭亂思安。和風旣揚。昏祲自歛。蠢茲狂悖。久合殲夷。頃屬懷光昏迷。緩師養寇。吐番干撓。生事惑人。故使義上無施。厲階猶梗。今懷光別保蒲絳。吐番遠避封疆。形勢旣分。腹背無患。城戢諸帥。才力得伸。又各士馬非多。資糧向竭。若不降賊。卽須建功。此輩寵任已崇。貴位已極。建功則寵增。而位固。降賊則名辱。而身危。况賊之兇愚。滅亡可必。賊之孤劣。翦撲非難。孰肯舍固而就危。違寵而從辱。棄垂成之業。臣將滅之虜哉。旣牽於利害之情。

理不同。惡又迫於單。乏之急。勢難久居。勢理相驅。安能無戰。渾瑊統戴休顏。韓遊瓌乘其西北。李晟率駱元光。尚可孤。攻其東南。同病相資。自當合力。但願陛下慎於撫接。以奮起忠勇之心。勤於砥礪。以昭蘇遠近之望。中興大業。旬月可期。不宜尙眷眷於犬羊之羣。以失將士之情也。臣愚不任懇悃之至。輒以私懷忤度。謹冒昧以聞。謹奏。

鍾惺曰。晉嘗與白狄伐秦。秦亦與白狄伐晉。春秋譏之。謂其引豺狼入春園也。安史肇亂。河朔淪

亡。外召回紘。共芟大難。然其無饜之求。颺戾之性。骨糝而血漿。齊民之受齧者。慘矣。少陵花門。若留原野。蕭瑟之詠。惻乎其有餘悲焉。

鍾之衣曰。鼓舞豪俊。戴起士心。所以振望於天下也。乃甘於同事。犬羊樹兵。自潰耶公之言。可謂尊朝廷而厚天下士矣。

Blank manuscript page with vertical lines.

興元奏請許渾城李晟等諸軍兵馬自取機便

狀

德宗謂贄曰渾城李晟諸軍當議規畫令其進取贄以為貴選將委任責成故能有功不若假以便宜待以殊賞則將師感悅智勇得伸乃上此奏

右欽漵奉宣聖旨省卿所奏蕃軍退歸及關中體勢理皆切當甚慰朕懷然渾城李晟等諸軍須有商量規畫令其進取起。句。已。見。全。日。朕見欲遣使宣慰卿宜審細條疏速奏來者臣聞將貴專謀兵以奇勝軍機遙制則失變戎師稟命則不威是以古之賢君選將而任接。引。古。典。以。証。不。從。中。之。於分

閩誓莫干也。授之以鉞，俾專斷也。夫然，故軍敗則死，眾戰勝則策勳，不用刑而師律貞，不勞慮而武功立。其於委任之體，豈不博大哉！其於責成之利，豈不精覈哉！自昔帝王之所以夷大艱，成大業者，由此道也。其或疑於委任，以制斷由已，為大權昧于責成，以指麾順旨，為良將鋒鏑交於原野，而決策於九重之中，機會變于斯須，而定計于千里之外，違令則失順，從令則失宜，失順則挫君之嚴，失宜則敗軍之眾，用舍相礙，否臧皆凶，上有掣肘之譏，下無死綏之志，其于

君

分畫之道，豈不兩傷哉！其于經綸之術，豈不都謬哉！○段○言○中○制○掣○肘○之○失○自昔帝王之所以長亂繁刑，喪師蹙國者，由此道也。茲道得失，兵家大樞，當今事宜，所繫尤切。蓋以寇盜充斥，乘輿播遷，人心有觀變之搖，王室無自固之重。秦梁迴繞千里而遙，臨之以威，則力勢不制，授之以策，則阻遠不精。頃者驟降詔書，教諭羣帥，事無大小，悉為規裁。及乎章表陳誠，使臣復命，進退遲速，率乖聖謀。豈皆樂於違忤哉！亦由傳聞與指實不同，懸算與臨事有異故也。設使其中或有肆情干命者，陛下

能於此時戮其違詔之罪乎臣竊恐未能也陛下復能奪其兵而易置將帥乎臣亦恐未能也是則違命者既不果行罰從命者又未必合宜徒費空言祇勞睿慮匪唯無益其損實多何則時方艱屯下陵上替凡在執干戈而衛社稷者皆自謂勲業由已義烈發心安於專行病於羈制陛下宜俯徇斯意因而委之遂其所安護其所病敦以付授之義固以親信之恩假以便宜之權待以殊常之賞其餘細故悉勿開言所賜詔書務從簡要慎其言以取重深其託以示誠

則威令難行必行不宜輕議規畫

因病發藥

要言不判而于孤弱之朝延九

言見重則君道尊託以誠則人心感尊則不嚴而衆服感則不令而事成其勢當令智者騁謀勇者奮力小大成極其分賢愚各適其懷將自効忠兵自樂戰與夫迫於驅制不得已而從之者志氣何啻百倍哉夫君上之權特異臣下者唯不自用乃能用人其要在於順物情其契在於通時變今之要契頗具於茲倘蒙究思或有可取謹奏

為緊着

此豈獨馭將之道當然

蔡九霞曰軍機呼吸非因勢不宜非出奇不勝而謂可遙揣方畧乎况德宗處危壘卵之時惟晟

城一二將矢志以建驅除掃蕩之勲而又掣其肘使不得展謀布畧蓄其疑使不得安意肆志豈復有濟乎愚故以晟城恢復之功皆公此奏之功也若惟不自用乃能用人一語更可為千百世帝王用人龜鑑

興元請撫循李楚琳狀

初楚琳作亂殺鳳翔節度使張鑑乃叛附朱泚及奉天圍既解楚琳遣使入貢上不得已除鳳翔節度而心惡之議者言楚琳若不隄防恐生窺伺至是楚琳使者數輩至上皆不引見留之不遣費遂上此奏

右件官比緣性行無良多為時議所惡頻被封印論奏言其心挾兩端若不隄防恐妄生窺伺謂宜斥絕用杜姦邪近者鳳翔使來絕不蒙恩召見滯留數輩並未放還伏恐陛下不忍忿心頗從輿議以臣蠢戇竊謂非宜李楚琳乘時艱危傲擾岐下賊殺戎帥款

先說破楚琳叛亂之罪

結兇渠奉天之圍頗亦有助其於叛亂海內彰聞論者今始紛紜一何知見之晚邪但以乘輿未復大憝猶存勤王之師悉在畿內急宜速告晷刻是爭商嶺則道迂且遙維谷復為盜所扼僅通王命唯在褒斜漢中谷名南谷名褒北此路若又阻艱南北遂將負谷名斜首尾七百里因當時勢宜善撫楚琳以通一線絕以諸鎮危疑之勢居二逆誘脅之中洵洵羣情各懷向背賊勝則往我勝則來其間事機不容差跌倘或楚琳發憾公肆倡狂南塞要衝東延巨猾則我咽喉梗而心膂分矣其勢豈不甚病哉且楚琳本懷唯

悔惡亦國家有濟之機

惡是務今能兩端顧望乃是天誘其衷故通歸塗將濟大業陛下誠宜深以為念厚加撫循得其持疑便足集事倘能遷善亦可濟師今若狗福狹之設露猜阻之跡懼者甚衆豈惟一夫自昔能建奇功或拯危厄即兇悖冠也未必皆是絜矩之士温良之徒驅駕擾馴唯在所馭朝稱兇悖夕謂忠純始為寇讐終作卿相知陳平無行而不棄或謂平受諸將金漢王責魏無知對曰尾生孝已之行無益于勝負之數漢王忿韓信自王乃使平參護諸將諸將乃不敢復言而遂封淮陰侯信既平齊欲自假王漢王大崩通以怒用陳平張良計乃立信為齊王

析理獲全。韓信臨死曰恨不用蒯通言上怒蒯通欲

其主耳且天下欲為陛下所為者甚衆 雍齒以積恨

固力不能又可盡烹之邪帝乃釋通 雍齒以積恨

先賞。漢高見諸將偶語以問留侯曰平生所憎誰最甚者曰

雍齒留侯曰今急先封雍齒則人人自堅乃封此漢

祖所以恢帝業也置射鈞之賊而任其才。桓公自莒

鮑叔牙為宰鮑叔辭曰臣君之庸臣也若必治國家

其惟管夷吾乎公曰彼射寡人中鈞殆于死今乃用

之可乎曰彼其為君重也君若宥而返之其釋斬祛

為君猶是也公從之廼堅請夷吾授以國政釋斬祛

之怨以免於難 呂卻畏偏將焚公宮而弒晉侯寺人

子命女三宿女中宿至何其速也夫祛猶在女其行

乎對曰臣謂君之入也其知之矣若猶未也又將及

難公見之以難告晉侯潛會秦伯于王城 此桓文所

遂免于難祛謂彼所斷晉侯之衣袂也 此桓文所

以宏霸功也然則當事之要雖罪惡不得不容適時

之宜雖仇讐不得不用陛下必欲精求素行追抉宿

疵則是改過不足以補愆自新不足以贖罪凡今將

更豈得盡無疵瑕人皆省思孰免疑畏又况阻命之

輩脅從之流自知負恩安敢歸化斯釁非小所宜速

圖孔子曰人而不仁疾之已甚亂也又曰小不忍則

亂大謀君陳曰無忿疾于頑又曰必有忍其乃有濟

伏願陛下必以英主大畧聖人格言為元龜固不可

納腐儒小忠以虧撓興復之業也。臣不勝憂國至計。謹啓事以聞。謹奏。

蔡九霞曰：楚琳在當日雖不足為國家用，然暫就羈束亦不致又添國家一害。不論時勢利害，但以叛亂之徒不宜復為姑息，議論雖正而悞國不淺。從來建議者但取好題目，不計利害，往往皆然。孰有如公之大識見者乎？

興元論中官及朝官賜名定難功臣狀

先是將士扈從奉天者，賜名定難功臣。今欲不問中官朝官，但經重圍奔赴行在者，依例賜名定難功臣。贊以中官朝官初無定難之功，豈可輕錫佳名，以沮將士之氣？故上此奏。

右欽澈奉宣聖旨：比在奉天將士並賜名定難功臣。今宰臣等商量，扈從中官辛苦至甚，亦合依例並賜此名。朕以南衙朝士之中有經奉天重圍，又似卿等昨者奔赴行在，涉歷危險，亦極艱難。今不問中官朝官，但經重圍又到山南者，並擬賜名定難功臣。卿宜商量，豈不穩便者？陛下惠霑誓御仁洽庶寮，念隨難

之憂危恤從巡之勞苦議增寵飾將錫嘉名事雖未
 行意則已就凡在貴近固知銜恩睿旨淹詳復詢庸
 賤惟精惟慎允謂防微顧省何知屬當下問臣若自
 貪榮號傍懼怨憎因循順成不極所見心且知負如
 天鑒何是以不揆言之淺深不計身之利害但輪狂
 直唯聖所裁臣聞賞以懋庸名以彰行賞乖其庸則
 忠實之效廢名浮於行則瀆冒之弊興一足以撓國
 權一足以亂風俗授受之際豈容易哉頃以駐蹕奉
 天迫於患難竟攘兇逆實賴武人遂旌定難之勲特
說前此所賜尚可謂名稱其是

賜功臣之目名頗符實事亦會時所需雖多誰曰非
 允至如宮闈近侍班列具臣雖奔走恪居各循厥職
 而驅除翦伐諒匪所任又屬皇輿再遷天禍未悔見
 危無補曷謂功臣致寇方深孰云定難縱使遭罹圍
 逼跋履崎嶇難則當之定將安據勞或有矣功其謂
 何大凡有生之倫莫不各親其類賤彼貴我抑惟常
 情黜異獎同亦是常性臣忝搢紳之列又當受賜之
 科竊自校量猶知不可而况於公議乎况於介冑之
 士乎人之多言靡所不至必謂陛下溺愛近習故狗
就受恩賜者說最為入情
承上公議剖明一番

本作該

其苟得之。情況及羣司。以分其私昵之謗。怨不在大。
承。上。介。曹。之。士。割。明。一。番。
 釁皆自微。必將沮戰士激勵之心。結勳臣憤恨之氣。
 所悅者寡。所愠者多。所與者虛。名所失者實。事所悅
 者。臣下之夸志。所病者。國家之大猷。利害皎然。不為
 難辨。且名者眾之所評也。是曰公器。亦為爭端。覈之
 至精。猶患相軋。處或乖當。安能勿踰。以漢高之制服
 雄豪。太宗之削平區寓。天下既定。乃論功勳。有蕭曹
 之殊庸。有房杜之碩畫。戰守經畧。倬乎殊倫。猶謂豐
 沛故人。刀筆文吏。諸將不服。頗相訐揚。
漢高祖封何

皆力爭。謂蕭何未嘗有汗馬之勞。唐太宗第功班賞
 以元齡。杜如晦為第一。淮安王神通曰。今元齡等以
 刀筆吏居臣右。臣所未喻。乃至攘袂指天。
見淮安王拔劍擊柱。
見孫通傳。偶語謀反。
見張誼譁訟寃。矧今國步猶艱。王化
 未洽。方資武力。以殄寇讐。蓋非恩倖競進之時。文儒
人。豈。可。遽。私。近。侍。况。又。無。可。受。賞。乎。
 角逐之日。當功而獎。尚恐未孚。獎又非功。固宜見誚。
 倘有節効尤著。理當褒崇。賞典甚多。何必在此。其餘
 別無績用。例狗驅馳。且俟賊平。甄錄非晚。謹奏。
 蔡九霞曰。肯注意戮力疆場。一輩人自看得奔赴
 行在者。雖勞無功。公固不以一身之榮寵而悞

天下大計也

[Faint bleed-through text from the reverse side of the page]

興元論賜渾瑊詔書為取散失內人等議狀

德宗錄散失內人名字令贄撰詔賜渾瑊遣于奉天尋訪以得為限贄以患難初平事尙有先于此者故上此奏

右德亮承旨并錄先所散失內人名字令臣撰詔書以賜渾瑊遣於奉天尋訪以得為限仍量與資裝速送赴行在者頃以理道乖錯禍亂薦鍾陛下思咎懼災裕人罪已屢降大號誓將更新天下之人垂涕相賀懲忿釋怨煦仁戴明畢力同心共平多難止土崩於絕岸收板蕩於橫流殄寇清都不失舊物實由陛

先。用。贊。頌。之。語。也。

下至誠動於天地。深悔感於神人。故得百靈降康。兆

庶歸德。苟不如此。自古曾有擲棄宮闕。失守宗祧。繼

逆於赴難之師。李懷光之師本為赴難而來。再遷於

蒙塵之日。左傳。天王出居於鄭。城。文。仲。曰。天子蒙塵

不踰半歲而復興大業者乎。今渠魁始平。法駕將返。

近自郊甸。遠周寰瀛。百役疲瘵之毗。重傷殘廢之卒。

皆忍死扶病。傾耳竦肩。想聞德聲。翹望聖澤。陛下固

當感上天悔禍之眷。荷烈祖垂裕之休。念將士鋒刃

之歿。愍黎元塗炭之酷。以致寇為戒。以居上為危。以

一本使下有
剪除元惡曾
未浹展奔賀
往來道路如
織四句
一本人下有
又令資裝速
赴行在二句

務理為憂。以復言為急。損之又損。尚懼汰侈之易滋。

艱之維艱。猶患戒慎之難久。謀始盡善。克終已稀。始

而不謀。終則何有。夫以內人為號。蓋是中壺末流。天

子之尊。富有宮掖。如此等輩。固繁有徒。但恐傷多。豈

憂乏使。何必自虧君德。首訪婦人。萬目閱視。眾口流

傳。恐非所以答慶賴之心。副維新之望也。夫事有先

後。義有重輕。重者宜務之於先。輕者宜措之於後。故

武王克殷。有未及下車而為之者。有下車而為之者。

蓋美其不失先後之宜也。自翠華播越。萬姓靡依。清

陸軍長奏議

卷六

奏草

六

廟震驚三時之祀定指事之宜先當今所務莫大於斯誠宜速遣大

臣馳傳先往迎復神主修整郊壇展禋享之儀申告

謝之意然後弔恤死義慰犒有功綏緝黎烝優問耆

耆安定反側寬宥脅從宜賜鬱堙褒獎忠直實指官失職

之士復廢業之人是皆宜先不可後也至如崇飾服

器繕緝殿臺備耳目之娛選巾櫛之侍是皆宜後不

可先也宜後而先則為君之道喪宜先而後則理國

之義差古之興王必慎于此陛下將務興復又安可

不慎乎且散失內人已經累月既當離亂之際必為

一本虞下有自因冠亂喪亡頗有大於此者二句

將卒所私其人若稍有知不求當自陳獻其人若甚

無識求之適使憂虞一聞搜索懷懼必多餘孽尚繁

羣情未一因而善撫猶恐危疑若又懼之于何不有

昔人所以掩絕纓而飲盜馬者楚莊王賜羣臣酒曰

之衣者美人援絕其冠纓告王趣火來視絕纓者王

曰奈何欲顯婦人之節而辱士乎乃命皆絕去其冠

纓秦繆公車敗失左驂自往求焉見野人殺將食之

繆公笑曰食駿馬肉而不飲酒余恐其傷生也遍飲

之而豈必忘其情愛耶蓋知為君之體然也以小妨

大明者不為天下固多美人何必獨在於此楚之討

也莊王欲納夏姬申公巫臣曰不可王乃止子反欲

取之巫臣曰是不祥人也天下多美婦何必是子反

乃易曰危者安其位者也亂者有其理者也故君子

安不忘危理不忘亂是以身安而國家可保也春秋

傳曰或多難以固其國或無難以喪其邦司馬侯謂

多難以固其國啟其疆土或無難以喪其國失其守字誠以處危則思安之情

切遺亂則求理之志深切於忠安深於求理國之固

也亦宜乎及夫居安而驕恃理而怠驕則縱肆其

奢欲怠則厭惡於忠言奢欲日行忠言日梗國之喪

也不亦宜乎昔衛獻出奔久而復國大夫迎於境者

執其手而與之言迎於門者頷之而已見襄公五年言其

驕怠之易生也齊桓將圖霸功管仲戒之以無忘在

莒桓公管仲鮑叔牙甯戚四人飲飲酣桓公謂叔牙

曰何不起為寡人壽乎叔牙奉杯而起曰使公無

忘出如莒時也使管子無忘東縛在魯也使甯戚無

忘飯牛車下也桓公避席再拜曰寡人與二大夫無

忘夫子之言則國懼其情志之易變也今臣亦願陛

下企思危固國如不及懲忘亂喪國如探湯以在莒

為書紳之規以衰衛為覆車之鑒則德為帝範理致

時雍與夫貪逸欲而踐禍機其利害亦云遠矣所令

撰賜渾瑊詔未敢承旨伏惟聖裁謹奏

陸宣公奏議 卷六 奏草

見公言之甚切乃雖不降而仍遣中使求之君
之不能彊於為善如此

此處為多欄空白，可能為原稿或印刷時留出的位置。

鑿駕將還宮闕論發日狀

右先頒勅旨已定行期所司供承亦聞粗備但以霖
潦方甚道路阻艱衆情同憂莫敢論奏今發日漸逼
陰雲尚繁小大嗷嗷愁懼轉甚臣雖聞鈍亦竊揣量
豈不知元惡初平餘氛未殄乃是逆順將分之際吉
凶多變之時須速鎮安理宜促駕向使霖潦為害人
功可施其備禦由於智能其役用止于煩費其所患
不及于性命其可憂但在於人臣則當公私罄財上
下竭力務寧大業奚恤暫勞各應叶奉聖規安敢復

忤成命。良以褻斜峻阻。素號畏途。緣側徑于巔巖。綴危棧于絕壁。或百里之內。歷險且千。或一程之中。涉水數四。若遇積雨。滯浸羣峯。澍流巨石。崩奔訇殷。相繼深谷。瀾漫往來不通。悉非功力之所支。籌畧之所遏。斯須之頃。跬步之間。倉皇邁歿。皆不可測。匹夫單騎。尚且過防。何況萬乘時行。千官景從。而可蹈不存之險。冒無禦之災乎。如或磴路。湫崩。閣道。淹圯。環衛之儀。少缺。屬車之馬。微驚。縱有億徒。何所爲用。陛下欲無駭慮。其可得乎。又或霖滯更深。谿谷皆溢。徑路

既絕。傳送無由。連山萬重。進退不可。一日乏食。將如之何。陛下欲無軫憂。固亦難矣。人主舉措。宜圖萬全。必先事以防危。不臨危而求幸。幸而獲濟。貽愧已深。不幸罹災。追悔何及。孔子曰。欲速則不達。誠哉是言。臣今非敢阻陛下欲速之情。但頗以不達爲慮耳。倘迴睿旨。少俟開晴。則發期雖延。涉路無滯。不疾而速。允叶乾行。知幾其神。是謂天鑒。竊聞羣議。輒以上陳。悽悽懇誠。實冀昭納。謹奏。

沈九如曰。致辨於情理。構深瑋之風。博採以謀篇。

繁類而成艷比于詞賦之家亦長卿之上林子雲之甘泉矣

此大非以州意不端... 之詞則不殆無... 趙貴先欲恕其罪... 朕朝來更問諸將皆云貴先順從朱泚則是逆人合依常刑不可寬捨象人意既如此應難釋放卿宜知悉者臣愚以為貴先從逆之罪法當不容貴先陷身之由情則可恕陛下所議矜宥原其情也諸將所請誅戮據於法也據法而除君之惡者人臣之常制原

請釋趙貴先罪狀

貴先本齊映部將賊泚給以迎駕遂遭劫制授以偽官賊泚既平諸將以其從逆請誅之贊謂貴先之罪出於誘陷乞加原貸乃上此奏

右欽澈奉宣聖旨前者共卿商量趙貴先欲恕其罪朕朝來更問諸將皆云貴先順從朱泚則是逆人合依常刑不可寬捨象人意既如此應難釋放卿宜知悉者臣愚以為貴先從逆之罪法當不容貴先陷身之由情則可恕陛下所議矜宥原其情也諸將所請誅戮據於法也據法而除君之惡者人臣之常制原



情而安衆之危者。人主之大權。臣主之道既殊。通執
之方亦異。言各有當。體各有宜。事或相駁而無傷。此
之謂也。往以襄城告急。詔令隴右發兵。齊映率衆東
行。貴先卽其部將。于時軍至昭應。適遇駕幸奉天。齊
映馳歸鳳翔。貴先獨守營幕。進無總帥。退闕亂兵。遂
爲賊泚所招。給以同迎鑾輿。泚既反。狀未露。貴先安
得不從。已受邀留。遂遭刼制。身縻僞職。兵隸兇徒。雖
居賊中。亦不見任。首末事跡。簡在天心。臣亦親承德
音。非獨聞於傳說。其於情狀。頗有足矜。所可受責之

辜。唯在不能守節而死耳。貴先倘能守節。卽是忠烈
之徒。固獲褒旌。豈資寬捨。凡所議讞。蓋緣獄疑。罪疑
惟輕。實編令典。務從罔理。亦載聖謨。况復懷光未殲。
希烈猶熾。遭罹誘陷。其類實繁。今京邑初平。皇猷更
始。乃是汙俗觀化之日。聖王布德之時。所用刑章。尤
宜審慎。一輕一重。理亂攸生。宥之以恩。則自新者咸
思歸命。斷之以法。則懷懼者姑務偷生。衆心既偷。賊
勢愈固。不忍一朝之忿。而貽累歲之憂。苟循匹夫之
說。以興億衆之役。爲計若此。夫何利之有焉。曩者祿

祿山悖亂
本作羯胡亂

隋書卷六

三

山悖亂染汙士吏。肅宗興復。累降赦書。罪止渠魁。餘寬其裔從之效所不問。河朔遺孽。既聞德澤之宏。被且幸。裔汙之見

原。人人皆自怨尤。各悔歸國之晚。及乎三司按罪。繼

用嚴科。未降之流。復喜得計。慶緒將消。而再結。思明

已附。而重攜。浸長厲階。至今為梗。崔器建議王官陷賊者皆抵死李峴

執奏遂以六等定罪多所原貸後蕭華自賊中來因言王官重為安慶緒驅裔至相州聞廣平王宣詔釋

希烈等皆相顧愧悔及豈不以任法吏而虧權道。小

不忍而亂。大謀者乎。昔漢高帝既定四方。見諸將往

往。偶語謀反。乃問張良曰。為之奈何。良曰。陛下所最引古賞怨之事

為安定人心之據

恨者為誰。帝曰。雍齒與我有舊。而數窘我。良曰。今急

封雍齒。則人人自堅矣。帝用良計。諸將果安。皆云。雍

齒且侯。吾屬何患。蓋以圖霸王者。不牽於常制。安反可。見。法。之。未。可。盡。

側者。罔念於宿瑕。今陛下有漢高之英貴。先無雍齒

之釁。加戮不足威。暴逆矜全。可以定危疑。明恕而行。

盛德斯在。何所為慮。尚勞依違。微臣區區上言。蓋為

將來張本。凡非首惡。皆願從寬。庶使負累之徒。莫不

聞風而化。消姦兇。誘惑之計。開叛亂。降附之門。此其

大機。不可失也。陛下前意固為善矣。伏惟不為浮議

陸贄奏議

卷六

奏草

三

所移謹奏

蔡九霞曰情無可恕則執法情有可恕則原情原情者非廢法也中有絜矩意在正善於用法者也故臣下不可不守法君上不可不原情蘇子所論臯陶曰殺之三堯曰宥之三正是此意

論替換李楚琳狀未備其狀夫辭之為難

右欽澈奉宣聖旨李楚琳不可久在鳳翔欲候朕到日簡擇一人替楚琳充節度使楚琳別與一官便隨朕歸京既有迎駕諸軍威勢甚盛因此替換亦是權宜卿宜商量穩便否者臣聞王者有作先懷永圖謀必可傳事必可繼不因利以苟得不乘便而幸成故能上下相安而理可長久也彼楚琳者固是亂人乘國難而肆逞其姦賊邦君而篡居其位按以典法是宜汚瀦既屬多虞不遑致討乃分之以旄鉞又繼之

隋書卷之六
以寵榮。逮至南巡。頗全外順。道途無壅。亦有賴焉。雖朝命累加。蓋非獲已。然王言一出。則不可渝。縱闕君臣之恩。猶須進退以禮。今若因行幸之威勢。假迎扈之甲兵。易置以歸。是同虜執。以言乎除亂。則不武。以言乎務理。則不誠。禍變繁興。爲日久矣。負釁居位。豈唯一人。以此時巡。後將安入。以此撫御。誰其感懷。昔漢高僞遊。韓信見獲。功臣繼叛。天下幾危。征伐紛紜。以至沒代。其徼倖之不可也如此。陛下得不爲至戒哉。議者謂之權宜。臣又未論其理。夫權之爲義。取類

權衡。衡者稱也。權者錘也。故權在於懸。則物之多少可準。權施於事。則義之輕重不差。其趣理也。必取重而捨輕。其遠禍也。必擇輕而避重。苟非明哲。難盡精微。故聖人貴之。乃曰可與適道。未可與立。可與立。未可與權。言知機之難也。今者甫平大亂。將復天衢。輦路所經。首行脅奪。易一帥而虧萬乘之義。得一方而結四海之疑。乃是重其所輕。而輕其所重。謂之權也。不亦反乎。以反道爲權。以任數爲智。君上行之必失。衆臣下用之必陷身。麻代之所以多喪亂。而長姦邪。

由此誤也。夫以韓信才畧，當時莫儔。且負嫌疑，已遭告訐。縱之足以亂區寓，除之可以安國家。幸而成擒，猶謂失策。當時被攻戰之害，百代流詭詐之譏。况楚琳卒伍凡材，廝養賤品。因時擾攘，得肆猖狂。并有陷堅殫敵之雄，出奇制勝之畧。頗同狐鼠，乘夜睚眦。晨光旣升，勢自踈縮。今郊畿已乂，武衛方嚴。泝隴鎮壓於其西，邠涇扼制於其北。顧是岐下，若居掌中。以楚琳瑣劣之資，處掌中控握之地。縱令蹣跚，何惡能爲。願陛下姑務含宏，普安反側。促駕遄止，錄功犒勤。敷

陸一本作陸

肆膏之恩，布惟新之令。然後徵韋臯，楚琳俾入分文。武之職，擇元勳，宿望命出總岐隴之師。則彼承詔欣榮，奔走不暇。安敢蠆介復勞，誅鉏措置得宜。萬無一跌，何遽過動。不爲後圖，仰希睿聰。試更詳慮，謹奏。

蔡九霞曰：一人耳一事耳。危則羈縻之，稍安則削奪之。是可與共危而不可與共安也。能勿起人疑懼乎？故力陳其不可至，闡發權字妙義。真得聖賢骨髓。不然則權之爲言，直離經畔道之說。孔子豈難之慎之，而以爲未可與乎？公固學有

原本不僅通達事務已也

陰宣公奏議 卷六
三

收河中後請罷兵狀

馬燧渾城破懷光兵于長春宮懷光縊死河中悉平帝問河中既平復有何事所宜區處
贊恐有希旨生事之人請乘勝討淮西者故上此奏

昨日欽湊奉宣聖旨示臣馬燧渾瑊等奏平懷光收河東狀兼令臣商量須作何處置令欽湊奏來者兇梗穢盪關畿廓清實聖謀廣運之功亦宗社無疆之祚應須處置大畧已附欽湊口陳展轉傳言恐未盡意謹復薦其固陋願陛下少留察焉臣聞禍或生福之不可恃福亦生禍喪有得之理得有喪之端故晉勝鄆陵范

二有一本作著

變祈死。晉楚遇于鄢陵。范文子不欲戰。卻至不從。楚師敗績。文子使其祝宗祈死。曰：君驕侈而克敵。是天益其疾也。愛我者唯祝。我速死無及于難。七年六月。范變卒不及一年。三郤誅厲。公弒。胥童死。果如文子言。吳克勁越。夫差啓殃。吳王夫差既敗越會諸侯。子言。吳累為越所敗。名。言。可。以。書。紳。夫差遂自到死。是知福不可以屢徼。幸得不可以常覬覦。居福而慮禍。則其福可保。見得而忘喪。則其喪必臻。臣竊懼詔諛希旨之徒。險躁生事之輩。幸兇醜覆亡之會。揣英主削平之心。必將競効甘言。誘開利欲。謂王師所向莫敵。謂餘孽指顧可平。請迴蒲版之戈。復起淮沂之役。
謂欲以平李懷光之師。即為討李希烈之計。斯議一啓。

必有亂階。或。鎮。禍。一。字。故微臣姑以生禍為憂。而未敢以獲福為賀也。何則。建中之難。其事可徵。始以蓄憾而隘於含容。既以亟勝而輕於戰伐。故文喜之討涇上之瘡痛未平。建中初。以李懷光代段秀實兼節度。涇原涇土。聞懷光暴更相洶懼。留後劉文喜因劫眾以叛。詔懷光與朱泚討之。其裨將劉潼賓與其徒殺文喜。崇義之征。漢南之芟夷。繼甚。梁崇義為羽林射生事。來瑱于襄陽。瑒誅遂領其軍。代宗因就拜節度使。舉七州兵二萬與田承嗣。李正已等相螽結。拒詔不朝。德宗命李希烈討之。崇義大敗。乃赴井死。傳首京師。阻命之師。非不誅也。伐叛之師。非不克也。介焉之斷。非不堅也。赫斯之怒。非不逞也。然以人。不見恤。惟戮。是聞。有辜。

無辜不敢自保。是以抱釁反側者。懼鈇鉞之次加。畏禍危疑者。慮猜譖之交及。遂乃螽結以拒討。狼顧以背恩。彌兩河而亘淮夷。盪三輔而盜京邑。鑿輅為之再駕。行宮至於合圍。于時海內大搖。物情幾去。天命莫保於寸晷。王威不出於一城。邦國之杌隉艱屯。綿綿聯聯。若包桑贅旒。幸而不殊者。屢矣。勢之危窘。實足寒心。非有曩時熊羆翕習之師。雷霆奮發之勢。武庫劍戟之利。帑藏財賦之殷。其所以施令。率人取威。定亂。比於建中之始。豈不至微。至殺哉。然而陛下懷

齊一本作綴

悔過之深誠。降非常之大號。知黷武窮兵之長。亂知急征重斂之剽。財知殘人肆欲之取。危知違眾率心之稔。慝知烝庶困極之興。怨知上下鬱埋之失。情德音渙然與之更始。所在宣敷之際。聞者莫不涕流。雖或兇獷匪人。亦必為之欷歔。奉天所下制書雖武人悍卒無不感動流涕後李抱真入朝為帝言陛下在奉天山南時赦令至誠山東士卒聞者皆感泣思奮臣是時知賊不足平誠之動物。乃至於斯。懷梟鴟以好音。泮水詩云翩彼飛鵙集于泮林食我桑椹懷消浸。沴為和氣。由是姦回易慮。黎獻歸心。假我好音。所釋之。而畢來也。王畔渙之夫。削偽號以請罪。如王武俊黜去偽號之類觀釁首鼠

之將壹純誠以効勤。流亡凍餒者。希保於室家。屯戍
戰爭者。冀全其性命。德澤將竭而重需。君臣已絕而
更交。天下之情。翕然一變。曩討之而愈叛。今釋之而
畢來。曩以百萬之師。而力殫。今以咫尺之詔。而化洽。
是則聖王之敷理道。服暴人。任德而不任兵。明矣。羣
帥之悖。臣禮拒天。誅圖活而不圖亡。又明矣。尚恐陛
下以臣言之畧而未喻也。請復循其本而申備之。往
以河朔青齊。同惡相煽。擁戎據土。易代不庭。陛下恥
王化之未同。忿姦慝之靡格。於是發六軍神策。河陽

段是實非。復說也。

段是虛此。

本蒨廐作
廐牧牧馬作
張武

河東澤潞朔方之騎士。以徂征於北。謂討田悅等命永平
汴宋幽隴江淮閩嶺之將卒。以奮伐於南。謂討希烈等罄
國家廩帑以贍軍。悉公私芻廩以牧馬。算歛周於萬
類。徵徭被於八荒。勞已甚矣。威亦盛矣。既而曠日綿
歲。老師費財。兩河之寇。患有加無。瘳而邦本已殆。覆
矣。泊涇卒倡亂。泚戎構災。豺狼整居於禁闈。獫狁擇
肉於馳道。河朔問罪之衆。布路而歸。宋郊仗順之師。
守壘不暇。于斯之亂。海內沸騰。倘有問鼎之雄。圖滔
天之巨猾。幸災乘閒。何所不為。既而悅納之儔。謂田悅李

納咸自歛縮內無非望之議外無軼境之侵及聞天

澤滌瑕制書復爵奉天所下制云其李希烈田悅王武俊李納并所管將士官吏並與

復爵位各曾不蒂芥望風歛降爭馳表章唯恐居後詔

田悅為右僕射封濟陽郡王悅眾欣然聽命拜王武

俊官爵王武俊即黜去偽號李納聞帝下詔罪已悉

義屬命封跡其素志於此可知是皆假兵救死之流

戀土偷安之輩懷生畏死蠢動之大情慮危求安品

物之恒性有天下而子百姓者以天下之欲為欲以

百姓之心為心固當遂其所懷去其所畏給其所求

使家家自寧人人自遂家苟寧矣國亦固焉人苟遂

矣君亦泰焉是則好生以及物者乃自生之方施安

以及物者乃自安之術擠彼於死地而求此之久生

也從古及今未之有焉措彼於危地而求此之久安

也從古及今亦未之有焉是以昔之聖王知生者人

之所樂而已亦樂之故與人同其生則上下之樂兼

得矣知安者人之所利而已亦利之故與人共其安

則公私之利兩全矣其有反易常理昏迷不恭則當

外察其崛強之由內省于撫馭之失修近以來遠檢

身而率人故書曰惟干戈省厥躬又曰舞干羽於兩

階。七旬有苗格。孔子曰：遠人不服，則修文德以來之。既來之，則安之。此其證也。如或昧於懷柔，務在攻取，不懲教化之未至，不疵誠感之未孚，惟峻威是臨，惟亂召禍之機括忿心是肆，視人如禽獸，而曝之原野，輕人如草芥，而剿之銛鋒，叛者不賓，則命致討，討者不克，則將議刑。窮兵之害不止，堅背叛之心，而我亦自困之。是使負釁者懼必死之誅，奉辭者慮無功之責，編毗術以困於杼軸，而思變；士卒以憚於死喪，而念歸。萬情相攻，亂豈有定？一夫不率，闔境罹殃。一境不寧，普天致擾。兵拏禍結，變赴百端。故孔子曰：遠人不服，而不

一本也。下有
事乃反覆得
無懼乎二句

能來也。邦分崩離析而不能守也，而謀動干戈於邦內。吾恐季孫之憂不在顓臾，而在蕭牆之內矣。此蓋此。前。典。垂。訓。也。必然之常理，至當之格言，足以為明鑑。元龜貫百王，而不易者也。夫理有必然，則殊途歸於同轍。言有至當，則異代應如合符。向以東北孽徒，職貢廢闕，陛下忿其違命，大舉甲兵，至今逆泚誘奸，乘釁而動。所備之寇，猶遠介於河山，不虞之戎，已竊發於都輦。蕭牆東之戒，不其信歟？前典垂訓，既如彼；近事明驗，又如此。所以德音敘哀痛之情，悔征伐之事，引衆慝以咎已。

布明信以示人既往之失畢懲莫大之辜咸宥約之
以省賦誓之以息兵由是億兆汗人四三叛帥感陛
下自新之旨悅陛下盛德之言革面易辭具修臣禮
其於深言密議固亦未盡坦然必當聚黨而謀傾耳
而聽觀陛下所行之事考陛下所誓之言若言與事
符則遷善之心漸固倘事與言背則慮禍之態復興
自京邑底寧乘輿旋返屬懷光繼亂天討又行息兵
之言我則未復山東羣帥所以未敢生亂者蓋為河
中之地密近王城迫於朝夕之虞不得不翦除之爾

今若改轅移旆復指淮西則淮西元兇必將誑脅其

同惡之徒閒說於新附之帥謂之曰奉天息兵之旨

乃因窘急而言朝廷稍安必復誅伐是以朱泚滅而

懷光戮懷光戮而希烈征希烈倘平禍將次及則彼

之蓄素疑而懷宿負者能不為之動心哉心既動則

盈其喪身覆族之憂憂既盈則慮以唇亡齒寒之病

夫病同者雖胡越而相愍憂同者不邀結而自親河

朔青齊固當響應建中之禍勢必重興以國家再造

之初當羣孽息肩之後迭來鳴吠或肆奔衝討之則

我力未遑。縱之乃寇患斯甚。臣愚竊以為禍非細。未
 審陛下何方以待之。若有其方。悔之可也。如其未有。
故。文。氣。至。此。方。頓。住。願陛下勿輕易焉。凡將圖終。必在慎始。禍機一發。難
 可復追。臣請粗陳當今維馭之所宜。唯聖主省擇萬
一。則。以。國。之。一。禍。言。此。以。君。之。威。惠。言。一夫君之大柄在惠與威。二者兼行。廢一不可。惠而
廢。其。取。威。之。具。則。所。敷。之。惠。適。足。以。示。弱。也。其。何。懷。罔威則不畏。威而罔惠則不懷。苟知夫惠之可懷而
之。有。焉。苟。知。夫。威。之。可。畏。而。遺。其。施。惠。之。德。則。所。作。廢其取威之具。則所敷之惠適足以示弱也。其何懷
之。威。適。足。以。召。敵。也。其。何。畏。之。有。焉。故。善。為。國。者。宣。之有焉。苟知夫威之可畏而遺其施惠之德。則所作
 之威適足以召敵也。其何畏之有焉。故善為國者宣

惠以養威。蓄威以尊惠。威而能養則不挫。惠而見尊
 則有恩。是以惠與威交相畜也。威。惠。所。以。為。君。之。大。柄。也。威與惠互相行也。人
主。之。欲。柔。遠。人。而。服。強。暴。不。明。斯。術。之。要。莫。之。得。焉。主之欲柔遠人而服強暴。不明斯術之要。莫之得焉。
 今皇運中興。天禍將悔。以逆泚之偷居上國。以懷光
 之竊保中畿。歲未再周。相繼梟殄。實眾慝驚心之日。
方。側。重。到。施。惠。羣生改觀之時。威則已行。惠猶未洽。誠宜上副天眷。
 下收物情。布恤人之惠。以濟威。乘滅賊之威。以行惠。
 宥河中染汙之黨。悉無所問。赦淮右僭逆之罪。咸與
 惟新。蠲貸疲甿。休罷戰士。符往歲息兵之令。以彰信。

不大君含垢之德以布仁俾萬姓皆曰大哉王言又
曰一哉王心如是則威不用而畏如神明惠不費而
懷如父母凡在危疑懼討者必將曰淮右僭逆之罪
且赦矣吾屬何患焉凡在脅從同惡者必將曰河中
染汙之黨且宥矣吾屬何病焉凡在倦苦思安者必
將曰吾君有戰勝之師抑而不騁信乎其罷征矣凡
在凋殘望理者必將曰吾君有嫉亂之憤忍而不據
信乎其恤隱矣天下之心若此而禍亂不息理道不
行者無之臣所未敢保其必從唯希烈一人而已揆

一本窮下有
是乃狴牢之
虜一句

其私心非不願從也揣希烈心事想其潛慮非不追悔也但以猖
狂失計已竊大名雖荷陛下全宥之恩然不能不自
覲於天地之間耳縱未順命斯為獨夫內則無辭以
起兵外則無類以求助其計不過厚撫部曲偷容歲
時心雖陸梁勢必不敢陛下但勅諸鎮各守封疆彼
既氣奪算窮不有人禍則當鬼誅朝廷務崇德以待
之臣固知其必不逃於所揣矣古所謂不戰而屈人
之兵者斯之謂歟今若不顧機宜復興戎役瀆威而
蔑惠捨易而即難是棄明信而務忿心假敵辭而資

寇援窮者不暇恤勞者不得居國之安危或未可保此乃成敗理亂之所繫願陛下難之慎之區區上干憂惜在此儻蒙過納狂瞽不疑所行謹當草具招諭之辭詳陳備禦之畫伏俟宣許方敢以聞謹奏

蔡九霞曰興元一赦使悍將叛卒咸為感泣所謂一紙賢於十萬師也况希烈等待之如初既已頒告天下而復自背其言無以安反側之心而前此赦文皆為虛語故公乘其未發而說破之以沮好事之謀非止為希烈地實引德宗以誠

心孚下之要未幾而淮西自平果不逃公所料誰謂服叛不以理耶

陸宣公奏議卷第六

早稲田大学図書館

011888001800